

增修廣平縣志

叁

# 廣平縣志卷七

樂亭韓作舟湘亭編輯

## 十建置志

建置之有無興廢關係時代之隆替盛衰而一般創造精神暨其藝術思想又足以逾時而表現是以天方蠟頂易世猶存司土攷工周官不廢奈本縣地小民貧心餘力絀加以連年兵燹災害頻仍原有則蕩然無存規復更難於措款甚至城垣自毀開萬古之奇聞府館歸民貽一時之大耻雖經擇要修葺舉實愧無能欲謀遂漸更新特書以待來者記建置

## 城池

縣城 縣城周三里六十八步高二丈廣一丈門三東曰啓陽西曰美利南曰保障北

無門有樓曰兆元池深一丈五尺闊三丈

舊府志參舊志

城在金元時遷徙無常規制未備明洪武二年始治今地天順中創建土城成化三年知縣何琮增築城門建樓鑿池嘉靖間知縣寇陽萬歷間知縣陳繼王一龍各有增修崇禎十二年知縣張宏治改建甃城清順治間增築護城隄康熙四十

二年漳水溢城盡圯移治於城西北建修新堡即今之新城堡五十年復移舊治仍築土

城畿輔通志

同治三年知縣楊汝爲因舊基修築舊府志參縣志

光緒十九年癸巳知縣秦煥堯補修見新澤普楊纂基碑

民國九年華洋義賑會以工代賑補修任碑十二年十月縣知事任傳藻重修易東

門曰迎紫南門曰來薰西門曰挹秋見修城碑記

民國二十五年夏縣令張漢全重修東門曰長春南門曰時薰西門仍舊曰美利

見修城碑記

城及城樓因事變於二十七年冬盡行拆毀二十八年四月縣知事韓作舟由省款補助費項下請撥大洋二千一百元作爲監工飯費督率縣民重築新城計高一丈五尺廣一丈二尺池深一丈寬如故周七百丈有奇三門及四角並北城敵樓一律增新一月工竣三門仍沿舊名計費人工二十六萬共需款一萬八千餘元皆民力也記事乏石特志其始末於此

明蔣英記略云

山東膠州何公琮來知邑事持身廉謹聽政明決勞來安定而渙者以合撫摩休  
息而困者以蘇營作之始繚以周垣次及門池始於成化丙戌之仲冬功畢明年  
丁亥之季春傾覆者於焉而完固狹隘者於焉而寬廣其東西南昔有券與樓也  
今則發券構樓煥然一新大勢巖正足以聳飭觀瞻堡池伉峭足以望銷汚穢殫  
惻摠忠不辜委任又有二尹于公聰以協恭之民樂趨其事而無怨恫之聲孰不  
誦其處置時宜而成功之速也特記之張其盛

侯廷訓保障樓記略云

御史傅公按廣平登城東樓見榱崩楹摧半就傾圮顧寇子而言曰是豈重坎設  
險以戒不虞之義哉曷極圖之寇子唯而退經之營之庶民攻之五閱月而後告  
成樓高凡三丈有奇重檐複楹屹立於寅賓之陽四角亦樓各一區列峙壯麗自  
得威遠之勢既乃走書告於余請記且議匾曰保障以無忘公教遂書而刻之石  
李養正記略云

邑城自江夏陳侯再行完治距茲已廿年矣丁未淫雨爲祟漳水泛漲波濤洶湧趨城市如壑敗垣之下皆成江河維時河北王侯諱一龍者率父老子弟冒雨出郭數里塞其決隄周環補築邑民幸免其魚而侵灌日久城遂因之潰裂越明年春侯請於當事重加修治檄允所請侯即考卜經營宵日揆劃簡吏人鳩匠作授以成計且嚴之董率閱三月而工報竣約城圍三里許堅厚牢密敵樓五角樓三舖舍十有五新甕城營房凡六文昌閣舊在北城侯意在興賢移於城之巽隅以起文峯是役也餽甃取諸里之素封每戶不過數百版築取諸里之窶夫每月不過二日一切灰木物料取諸犯科者之贖鍰悉與市相值若故民勞而不怨事易而功舉侯之謀遠爲利溥哉因識之以示永久

按原碑文字甚長舊志將前後盡行省略

邑侯任傳藻記略云

易曰王公設險以守其國語曰維垣孔固是則城垣之重要自古已然不僅今茲而已夷考廣邑城垣創製於明天順時嗣成化間邑令何公琮相繼葺治萬歷時陳公鑿又復遵令修葺一次四城煥然一新樓上揭以匾名崇禎十三年何公宏

治賡續修建浚池甃墻巍然屹絕頗具觀瞻嗣自有清迄至今日歷二百餘年幾經修葺以邑乘失修無可考據壬戌夏余來牧是邦時值冀南各屬盜匪充斥而邑境介隣魯豫尤爲盜匪出沒之區擄人勒贖事不一而足余於治匪之餘巡視邑城墻垣傾圮形同坦途可以過車馬焉北城一面民國九年雖經華洋義賑會籌款修築以工代賑顧因工料不堅未歷一年又多塌挫以此殘破之城垣敵彼源忽無常之悍匪吾民危險情狀何堪設想修築之謀烏容稍緩遂與楊紳瑞麟等商議就城內商民分途募貲仍照原式用土加工堅築興工於夏歷十月未兩月而工竣三城樓一律修築東城顏曰迎紫南城曰來薰西城曰挹秋是役也計時不及四月費貲未及三千貫集貲之勞楊紳居最三街村正耿克濟趙其昌單存義次之董役之勞本署科員陳君永德余君俊爲多楊紳耿紳次之督催并籌劃之勞則惟本署孔科長憲年是賴工竣翌年又經籌款城壕遍植樹株旣壯觀瞻將來之產仍指作城垣歲修之用如此經營煞費心力雖不云百雉壯觀然實墉實壑其完繕之工竊有附於屹屹巖城之義也於茲下邑不能不有以紀之庶

幾後來者亦可知余輩之苦心也

邑令張漢全記略云

古者設險守土乃建邦之大計其修城郭繕垣墉興師動衆具不得已之苦衷非徒壯一時之觀瞻已也廣平舊有土城創始於有中葉其後數十年一修詳載民國壬戌任公修城記茲姑不論今又十四年矣繼任者雖累事增修數經淫雨坍塌日甚比年以來盜匪充斥居民一夕數驚每有岌岌不可終日之勢丙子夏月漢全承乏來守是邦覩甚圯毀恐啓姦宄覬覦之漸爰謀重修之舉適主席宋公以防匪竄擾檄修礮堡乃招集鄉耆喻以利害剴切指陳舉爲武動於是量丈數揣高卑度厚薄仞溝洫物土方議遠邇重期事計徒庸慮財用書餼糧以定役民情鼓舞子來趨事甫匝月前之傾墉坏堞今則巖巖屹屹如崇阿矣前之溝池淤塞今則增深益廣如天塹矣且睥睨斜削可以窺遠則射力弘也雉櫓環列圍墻一周則側防便也前之不可恃以爲險者今則屹然爲河北之保障則斯役之興其所關不綦重哉然有險而不能守尤兵家之大忌也故傳曰無戍而城讐必

緣焉是則整頓警團增加實力以與斯民共保斯城者其事又烏可緩乎董事者秘書孔憲蘊科長趙華南劉夢符承審韓祚昌巡官傅幹卿特務長曹鳳翔邑紳王壽昌耿克剛趙文明趙永昭許萬昌王錦堂張不顯王平章張金堂陳昶韓允執韓玉森郭維新李溶夫秦宜民張若栻柳繼曾王蓋臣馮殿玢璩長修陰自新馮步鶴例得書名因勒石以爲之記

### 公署

縣署

縣署在城內西北隅大堂兩翼左庫樓右贊政廳後改爲庫房前東西吏曹架

閣庫中爲戒石亭亭前儀門門之東爲賓賓館南爲申明旌善亭西爲囹圄所前

爲大門上建譙樓又前照壁大堂北爲後堂再北爲內宅明洪武二年建正德間

知縣顧璘

職官表列入宏治年

孫翱嘉靖間知縣李良翰申溪隆慶間知縣張鵬翰萬歷間

知縣陳鑿相繼增修清康熙五十年知縣華士捷因水圯重修同治元年四月燬

於兵燹光緒初年知縣何庚生重修大堂吏曹旋因款絀中止迄未續修暫租舊

當舖爲公署

舊府志參職輔通志

民國二十七年冬事變被毀僅遺四壁二十八年二月縣



知事韓作舟重修

圖見卷首

明申溪記略云 丙辰夏予承乏茲邑既至見官舍庠陋不可棲息嗟異前人相沿至此可以爲難矣陰有拂衣之志父老覘予衷之不懌也約乘予公出爲撤其甚者葺之予素重興作且慮功未及民而先叢衆怨力止之不可僉曰往賢如某公不需治成而速遷又才如某公亦灰厥初心而遄去要皆身之弗安計之中變也我民望公之來久矣竊不虞公之亟去乎今日之舉將以留公也予喟然曰有是哉君子固不求全在念亦未有拂鬱其身而能展布其志者夫遠嫌者固陋畏難者積廢獨弗計長吏數遷送迎煩勞蚤緣漁獵之弊乎子來之義二三子良亦勤矣閱月正寢翼室告完乃迎母就養明年丁巳中堂書室亦成其諸欲圮者以次及之規制不殊而氣勢改觀矣歲積事舉民諒予之心予亦信民之志壇宇學宮亦漸鼎革則無捐剝力無妨病掌餼者不尅稽程者克敏雖經營於一時而使嗣來者適其心不移其志展才猷以錫民康孰與襲故守常戚戚朝夕以求速去者之爲利哉是知興作亦政之不可廢也因記之壁云

韓作舟記略云 本縣當金天會設治之初署址遷移靡定至明洪武二年始建新廨於城內乾方規模尙稱完備迭經歷任增修載在舊志清康熙四十二年與城同圯於水移治新堡閱八年遷回經華士捷大令並加修築無異向時同治元年四月又復燬於兵燹於是郵治臨民之地時興僦居傳舍之嗟光緒三年適何令庚生志存興作欲謀久遠不惜一勞奈預圖不臧初衷未遂大堂甫經工竣吏曹旋告囊空事遂廢止爰賃民房一半備價自購一半大加整飭亦甚堂皇即今縣署之舊址是也甲子一周迄未移易迨民國戊寅冬季因南北發生事變連同城垣盡被拆毀次年己卯一月余奉命牧斯土下車入視四壁空存既無隙地以棲身將何臨民而聽政當即糞除瓦礫鳩集人工與城垣同時修築物料惟求厥堅堂舍不在觀美三月以來計完成大堂五間堂前大門二門各一座堂前後東西科房十六間後樓五間東院辦公廳五間客廳三間庶務儲藏室一所飯廳廚室共五間後門跨門羣墻炮臺無不撤舊更新施丹塗堊計共費四千一百餘元統由本署經常節餘項下呈明上憲核准支銷未向民間徵一夫而派一款工事

報竣特濡筆以記其始末如此

典史廨 在縣治迤西同治元年燬於兵燹迄今未修舊府志

廣平汛署 在城內舊府志久廢參管冊

陰陽學醫學 在縣治東南久廢舊府志

僧會司 在千佛寺舊府志現改爲縣立女子小校

養濟院 在縣治西南康熙十四年著知縣錢天佑重修額養孤貧七十九名畿輔通志屋

字圯今舊府志

按縣舊志舊養濟院基址甚狹屋宇圯頽嘉靖十年侍御傅公按行畿內移檄修理知縣寇陽迺購民地以拓其基東西廣七丈南北袤十有二丈爲門兩楹額曰養濟院中曰存恤堂環繞而居者三十三楹各一戶一牖嘉靖辛卯工竣勒石以記十五年知縣劉教重加修葺萬歷四年知縣宋昂續修十八年變生回祿十毀三四知縣陳鑿捐俸修復孤貧男婦增至六十餘名嗣後食大糧者五十九名又有食小糧者二十名

察院行署 一在縣治東南舊志作縣志東 一在縣治前明萬歷間知縣陳鑿王一龍相繼重

修今俱廢

府館

在縣治東萬歷間知縣陳鑿重修今廢

按舊府志萬歷十七年重修

鄉約亭 在縣東門外明宏治間建萬歷間知縣王一龍重修改作留行館

都祁記略云 明興定鼎之初躬彙明倫爲善等書以砥礪世風慮深理邃愚夫

愚婦艱於省悟復制聖諭頒布天下令所在有司俾木鐸聲諸閭閻以爲興善作德之具我兵憲見吾陳公奉聖諭詳爲註釋演爲歌章令所屬有司各立會所選耆儒碩士充約之正副朔望講舉俾鄉民環而聽之其意良法美深副廟謨非尋常効職可比吾民慮久事湮欲刻石以圖不朽予叨爲約之司正乃謀諸邑侯李公忻然允行即於邑之東郭構亭四楹兩旁八楹前東西復備義倉八楹立石於中以記其事以至小學等堂亦擇地次第舉行使朝廷作德圖化之心憲公體國牖民之念昭乎百世後之爲吾民者本其明倫知有所自慕其德化知有所先無負乎盛世君臣圖治之心則此亭此石於世有補豈曰觀美也哉

又府館於萬歷二十三年奉文拆賣民不敢買崇禎九年知縣李固本又奉旨變賣充餉四鄰俱屬鄉宦王俞讜因議納穀價三十石買去自此郡守行部無駐宿之地亦有傷政體矣籌餉及此國事可知

舊府志  
怪異錄

### 倉儲

義倉 一在西關外書院後道光間知縣王燕堂建一在城內關帝廟西光緒六年知縣何庚生建并奉文勸捐積穀當時實存穀三千八百四十九石九斗二合（西關舊倉儲穀一千九百二十石城內新倉儲穀一千九百二十九石九斗二合）

今俱廢

舊府志

何庚生記略云 蓋聞救荒無善策災禳荐至意賑獨終難為計惟有圖置於豐積穀備荒為救民之急務廣平地狹民貧戶鮮蓋藏積穀尤不可緩余於丁丑冬蒞任茲土時逢亢旱鴻嗷遍野詢所設常平倉傾圮殆盡溯查乾隆年間制府方敏恪公所設孟固雙廟寺郎固平固店義倉四處均化為烏有惟西關有前邑令王公燕堂所建義倉五間完整可用然已久無儲穀粹籌撫恤束手無策余方擬

勸捐義穀有志未逮也已卯冬方伯任筱沅先生旬宣畿輔軫令直隸疊遭水旱急宜積穀備荒安定章程詳明爵閣督部堂李檄各縣實力勸辦俾我廣平先積穀二千石再圖擴充迺於三月中督同學官營典邀集城鄉正紳悉心籌劃議定附城八關廂仍專司修葺舊倉鋪倉廩草器具及晒晾人工無庸捐穀至四鄉紳民實種地三十畝以上者每畝捐市斗穀一升加耗穀一合按市斗十六斛較制官斛升各一具用以收穀將來仍用此斛斗於三月廿一日先開西關舊倉收穀紳民踴躍樂輸甫十日而舊儲滿不得不籌建新倉余迺於城內東街捐買空莊地二區復邀紳富楊逢春等十九人共湊捐京錢五千七百四十吊揀派生員馮永清等十人經理出納庀材鳩工建正廩五間以儲穀於廩之西邊建副廩三間移春秋閣下義學於其中藉資照料並建西廩柵三間門樓二座圍牆一週經始於四月二十五日落成於五月二十日工堅料實煥然一新爰將已捐未收之穀收儲新倉稟蒙憲委曲周縣虞公來縣會勘驗迄各在案所有收捐支銷各錢數及監工紳士姓名俱勒諸碑陰至捐穀數目均經稟明各憲詳載冊檔茲不復贅

常平倉 在縣署儀門內迤西即豫備倉廩九間原儲穀一萬石雍正八年添建廩二

十三間今廢

舊府志

舊義倉 在儒學西明萬歷間知縣王整重修久廢

同上

四鄉義倉 共四處平固村孟固村寺郎固雙廟

畿輔通志

今俱廢

舊府志

### 壇 廟

社稷壇 在北關

舊志

一云在北門外春秋仲月上戊日致祭

風雲雷雨壇 在南門外

舊志參舊府志

每年清明中元下元日並主厲壇與城隍同祭

先農壇 在城東雍正五年建

同上

每歲仲春亥日致祭

厲壇 在城北

同上

城隍廟 在縣治東明隆慶四年邑人張平等修葺清康熙中圯於水知縣華士捷重

建

畿輔通志

乾隆十八年咸豐元年光緒二十三年民國二十二年均重修

明馬明謨記略云 廣平城隍廟其創始莫可考今廟則肇自洪武壬子至成化

辛丑邑令紀公傑方改作之迨去歲庚午幾復百年頗就頽毀邑民張平等願鳩

工力以修迺白邑侯劉公遜公義其舉曰俞遂卜日興工廟寢帷幕肖像咸與維新煥如儼如可以妥神可以崇祀可以聳人之觀瞻而肅人之心志也越三月工用告畢余與淵泉業已遵制褻書匾矣今歲六月邑庠劉子復申其事請予爲記余因書其原委以應之時隆慶六年春月望日也

關帝廟 在縣治東明宏治六年重修萬歷間補修後有春秋樓談經別館崇禎間知

縣朱鼎鑑增修

畿輔通志  
參舊府志

清康熙二十二年重修有王俞巽碑記樓後又有啓聖

祠乾隆四十一年知縣張漢松建道光八年知縣王燕堂重修十八年商人等續

修

舊府志

又西關關帝閣明萬歷三十九年修建乾隆四十七年咸豐二年重修按

關帝廟於民國三年奉令改爲關岳廟並祀岳鄂王少保二十八年八月奉治安部咨行河北省令改建武廟中奉周太師尙父兩配兩廡祀歷代名將八十八人門曰武德殿曰武成春秋仲月上戊祭同孔廟是年九月縣知事韓作舟捐俸募款呈明省署重建按正殿即春秋樓

明馬子聰記略云



漢壽亭侯廟在廣平縣治東衢巷北耆宿相傳自國初已有之石泯沒莫究所創之顛暨今歷年茲久日就傾敝邑人崔順廬其側日夕瞻顧久動於衷毅然欲撤而更新乃謀於義官梁賢李凱等白有司俞允諏日興工羣情胥願有積者輸財無積者効力凡百工匠各呈其技而殫其巧踰年故者新毀者完棟宇翬飛像貌烜赫闐闐嗟訝實聳觀瞻蓋經始於宏治癸丑而落成於甲戌也廟既成持幣於子聰記之俾鑱諸石噫子聰亦邑人也少嘗憇息祠下仰其神之靈而愍其廟之古蓋有年矣顧茲義舉是亦情素安敢以固陋辭

張學顏記略云

國初有關王廟三楹中塑神像剏建之由無碑可考歲久傾圮屢加修葺規制僅存嘉靖戊子鄉進士賈淵泉加彩而題額焉禳久復爲風雨剝落會鄉民賈遷感夢王靈異楊應魁等議新其制與士人劉形輩詣邑侯宋公昂狀其事公欣然許可而直書王爲漢朝忠義將萬代正直神建修廟祀孰曰不宜遂爲士民倡各輸木料磚瓦自運祠下經始於萬歷戊寅告成於是歲六月增置拜厦三楹與廟制

稱四壁廣以垣墉恢宏壯麗視昔大改觀矣時淵泉冢嗣少瀾以司訓家居樂觀其美捐俸助工購石樹碑用垂不朽余與少瀾世好因持狀以報余余先人事王最虔余亦素所欽仰者敢以不文辭

文昌祠 在縣學東南舊在北城樓上明萬歷十七年知縣陳鑿建三十五年知縣王一龍移建學宮前後復移建今地上同春秋仲月上丁日致祭中祀

魁星樓 在東南隅城上舊在文昌祠西明萬歷三十五年知縣王一龍改建清乾隆九年知縣尋紹舞復移建今地道光七年知縣王燕堂光緒五年知縣何庚生各重修上同久廢

昭澤龍王廟 在縣治西康熙三年建今圯上同一在東關外名九龍廟明邑人王受善創建同治八年知縣吳朝彥補修上同春秋仲月辰日致祭

大王廟 光緒間知縣何庚生創建於城外東南隅申請載入祀典立石爲記上同按本

縣農圃即其舊址廟中有井新兩甚靈清光緒六年直督李鴻章布政使任道鎔各題聖井分廿四字刻於石

八蜡廟 在城東北舊府志歲以春秋仲月上戊日致祭

忠義祠

在縣治東雍正六年建

上同祭日同節孝祠

節孝祠

在西關外雍正六年建

上同春秋仲月上戊致祭

馬神廟

在城南門外歲以春秋二仲月甲戌日庚日致祭行三獻禮

旗纛廟

舊在縣治前今圯

上俱同

火神廟

在縣城西關北乾隆丙子道光丙午光緒戊子均重修

十一丁賦志

國家設官以保民人民納稅以供用勞心勞力權義均衡中外古今理無二致且納稅當兵乃國民之天職奉公守法實官吏之信條倘以血汗金錢用供貪污揮霍是不啻以養人者害人保民者賊民也縣境狹小耕地無多比較雜賦地丁幾增他縣一倍况天災人患紛至沓來日用生活每虞不足使不設法減免難挽顛沛流離雖有善政亦難善其後矣傳曰百姓足君孰與不足又曰不患寡而患不均留心國計民生者可忽乎哉記丁賦

戶口

廣平府舊治領縣九宏治四年編戶二萬七千七百六十四人口二十一萬二千八百四十六萬歷六年戶三萬一千四百二十人口二十六萬四千八百九十六

明史地理志

廣平縣編戶十八里

查明洪武十四年創編賦役黃冊以一百一十戶爲一里宏治初以十戶爲八十口有奇萬歷初以十戶爲百口有奇

廣平縣原額人丁二萬三千九百五十一實在下下人丁一萬七千五百五十三實在

行差人丁一萬六千七百二十

賦役全書

廣平縣光緒初年調查計戶六千五百五十五口六萬零八百一十一

畿輔通志

十九年戶

六千七百二十八口六萬七千七百五十

舊府志參縣志

民國二十六年調查戶一萬五千二百七十九口八萬五千六百七十九男四萬五千

零三十四女四萬零六百四十五

舊縣志

二十八年十月調查僅及一二四各區應俟治安復原再行編查增補

### 差徭

廣平縣差徭每年計一千六百七十五兩又收併五營屯丁徭銀三十二兩一錢三分

行差地三千一百二十三頃三十八畝零

賦役全書

按縣冊實在行差民地一千六百七十一頃九十八畝

舊府志參縣志

民國折征洋二千六百九十一元

縣征解表稿

### 屯社

本縣共分十六社二屯在冀南全屬為最小縣份但糧賦征額比他縣為最多釐訂減免尤望出自 上憲之仁茲將屯社名稱列表於前地糧額銀比較錄後預為呈請減免之由以作征糧造冊之據

屯社名稱	地址	區	別	備	考
在坊社	東關	一	區		
關廟社	侯固寨	一	區		
從義社	南小留	一	區		



小留屯一金安村五區

附廣平府舊屬各縣每畝地糧比較表

縣名	全縣地畝數	每年徵解銀額	每畝平均地銀	備
威縣	八千二百七十四頃	一萬八千五百三十一兩二分二厘		
曲周	一萬一千二百九十九頃	三萬七千六百三十二兩三分三厘		
清河	三千九百六十頃	一萬三千七百七十三兩三分三厘		
雞澤	四千九百零八頃	二萬一百二十二兩	四分三厘	
永年	一萬零五百五十一頃	四萬五千六百二十五兩	四分三厘	
成安	六千七百六十頃	三萬二百九十兩	四分八厘	
邯鄲	七千二百二十二頃	三萬五千九百六兩	四分九厘	
肥鄉	七千五百六十頃	四萬二千九百五兩	五分六厘	
廣平	四千二百六十七頃	二萬五千八百二兩	六分〇四毫	

本表係清光緒十九年廣平府志局調查以後有無增減則不可得知惟畝至頃銀至兩平均至厘亦舉其概數也

考

## 地糧

本縣額內額外各項地四千二百六十七頃二十六畝零

按原額四千零三十三頃四十八畝四分零歷年開墾查出地二百三十三頃七十八畝三分零共地如上數又縣册原額歸併寄莊額外民地學租共地四千二百九十一頃七十八畝零

每畝徵銀不等共徵銀二萬二千九百五十九兩九錢四分零每兩攤丁匠銀二錢零共攤徵銀二千八百四十二兩六錢零又額外檉麻銀九錢通共徵銀二萬五千八百零二兩九錢零

全年存留銀一千七百三十六兩六錢二分零

全年起運銀二萬四千六十六兩二錢七分零

遇閏加徵銀九百二十四兩零存留閏銀一百三兩九錢二分零起運閏銀八百二十兩八分零

實徵本色芝麻二石一斗零

以上舊府志  
參縣志



民國改元每銀一兩折徵洋二元三角

按本縣糧冊事變遺失據二十六年度月報每年額徵銀五萬九千三百四十六元九角零五厘除豁免停徵二萬零六百九十元二角六分二厘應徵三萬八千六百五十六元六角四分三厘

### 雜稅

房地稅契銀二十兩零七錢九分六厘

牙帖稅銀一十兩零五錢六分

牛驢豬羊等稅銀二十二兩三錢八分

盈餘銀八十三兩二錢三分二厘

以上通志  
參舊府志

按雜稅牙行自民初以來奉令招標承包稅額則增減無定民間稅契初由成說中人查催後又改爲官中另定正稅附加歸股承辦至一切苛雜漏規均經迭次裁減矣

民國二十八年十二月奉省令規定本縣解省捐稅比額分項列下

牲畜稅二千一百十一元

屠宰稅一千零二十九元

牙稅七千零七十三元

菸酒牌照四百零四元

營業稅四百五十二元

附二十六年八月分契稅調查表

縣冊

類	別	比	額	數	實	收	數	備	考
買	契	稅	三六六五·〇〇		六九六·七八八				
典	契	稅	四二三·〇〇		二三·〇七〇				
驗	契	費	一三九三六·一〇		無				
契	紙	價	無		五一·〇〇〇				
田	房	用費	無		一七七·六九六				
買	契	學費	三六六·〇〇		六九·六七八				
典	契	學費	四二·〇〇		二·三〇七				
驗	契	註冊費	一七九·〇〇		無				

註册費 無

一〇・二〇〇

說

明

查廣平縣並無推契及田房附稅惟田房費用內附收地方款買契三分典契一分理合說明（此表係二十八年二月在後樓故紙堆中連同征解月報表覓得）

本縣地方雜捐向日名目繁多茲於二十八年年度分別免除除止留花果捐木炭油捐猪捐棉花布捐照舊征收補助地方公用款數臨期妥擬公佈無定額其他苛細永不增加

### 官俸

按清代縣設知縣一員年俸四十五兩養廉銀六百兩共支六百四十五兩縣學教諭訓導俸銀各四十兩典史俸銀三十一兩五錢二分養廉銀三十一兩五錢二分縣學廩生二十名歲糧銀六十四兩經制外委一員養廉銀十八兩馬餉二十七兩六錢

又縣門子十名皂隸八名馬快四十名民壯一百七十二名橋傘扇夫三十五名禁卒

四十名庫子二十名斗級二十名

典史門子五名皂隸二十名馬夫五名

以上每名工食銀六兩馬快喂馬草料銀各十兩六錢

民初將以上官俸及隸役工食迭次裁減更易錄之以備參考

明清時代縣著稱爲縣衙知縣稱爲縣正堂典史稱右堂縣衙幕賓有刑名錢穀及稿案等名目下有六房曰吏曰戶曰禮曰兵曰刑曰工又有承發房三班即馬快皂隸民壯民初改知縣爲縣知事裁典史設管獄員及承審十六年縣知事改稱縣長各房改組爲科設科長科員班房改爲法警亦稱政務警察十七年改縣公署爲縣政府設秘書二十七年復改縣政府爲縣公署縣長稱爲縣知事全省縣分四等即特等一等二等三等

廣平係三等縣民國二十七年省令頒定每月行政經費標準爲一千零八十二元由省款項下支給如下表

河北省冀南道廣平縣公署職員名額俸給表

職別	員額	月給	備考
縣知事	一人	一六〇〇〇	

秘 書	一 人	一〇〇〇〇	
通 譯	一 人	六〇〇〇	
財 政 科 長	一 人	七〇〇〇	
科 員	三 人	一 二〇〇〇	每人月支四十元
辦 事 員	四 人	一〇〇〇〇	每人月支二十五元
書 記	五 人	八〇〇〇	每人月支十六元
聯 絡 費		一 五〇〇〇	
辦 公 費		一 五〇〇〇	
雜 支		六〇〇〇	十一十二各月爐炭費另支
公 役	四 人	三 二〇〇	每人月支八元
共 計	二 十 人	一〇 八 二〇〇	

本署職員暨附屬機關薪費由地方款支給者如下表

科別												
育			教			科			設		建	
職	別	員	額	月	給	備	考	科	員	長		
科	長	一	人		七〇〇〇			科	員	一		
技	術	員	一		五〇〇〇			科	員	一		
辦	事	員	二		五〇〇〇	每一人月支二十五元		辦	事	員		
書	記	二	人		三二〇〇	每一人十六元		書	記	二		
公	役	二	人		一六〇〇	每一人八元		公	役	二		
共	計	九	人		二五八〇〇			共	計	九		
科	長	一	人		七〇〇〇			科	長	一		
督	學	員	一		五〇〇〇			督	學	員		
科	員	一	人		四〇〇〇			科	員	一		
辦	事	員	二		五〇〇〇	每一人月支二十五元		辦	事	員		
書	記	二	人		三二〇〇	每一人十六元		書	記	二		

警 縣					所 察 警					科				
上士司書	少尉隊副	中尉隊副	上尉副中隊長	中隊長	共計	事務費	夫役	警士	巡長	巡官	系長	所長	共計	公役
一人	一人	一人	一人	一人	二十三人		三人	十五人	二人	一人	一人	一人	九人	二人
一四〇〇	二〇〇〇	二八〇〇	四〇〇〇	六〇〇〇	三三七〇〇	四〇〇〇	一八〇〇	一三五〇〇	二四〇〇	二〇〇〇	四〇〇〇	六〇〇〇	二五八〇〇	一六〇〇
				縣知事兼任免支		服裝爐火費在外	每人月支六元	每人月支九元	每人月支十二元	即警官	系長由所員充任應設二人暫設一人			每人八元

隊		備	
中士班長	三人	三〇〇〇	每人月支十元
下士班長	五人	四七五〇	每人月支九元五角
隊兵	九十二人	八二八〇〇	每人月支九元
夫役	六人	四二〇〇	每人月支七元
事務費		六〇〇〇	
預備金		一〇〇〇〇	
服裝費			二千一百四百元
煤炭			十一十二一二等月不在預算
共計	一百一十一人	一二〇九五〇	連同服裝每年應支一萬四千七百十四元

查本縣地方款收入來源向係隨糧帶征九分畝捐以外有稅契附加買三典二地方捐并地方各項捐用以供上項開支現無收入多由補助費項勻支承審處經費由省撥司法費用項下開支如下表

職別	員額	月給	備考
承審員	一人	五四〇〇	原俸月六十元奉令按九成支給



管獄員	一人	三六〇〇	原俸月四十元
書記員	一人	二一六〇	原薪月二十四元
錄事	一人	九〇〇	原薪十元
檢驗吏	一人	一二〇〇	
男女看守	六人	五〇〇〇	支十元者一人支八元者五人
承發吏	一人	一六〇〇	
公役	一人	八〇〇	
監犯口糧		九〇〇〇	
公費		九〇〇	十一十二二等月煤炭費每月九元不造預算
共計		三〇五六〇	省預算遺漏政務警察工餉由行政費內支給

### 鹽法

北魏 自孝靜帝遷鄴後傍海煮鹽又於邯鄲置竈四 魏書食貨志

後周 顯德三年十月勅漳河以北州府界元是官場糶鹽今後除城郭草市內仍舊

禁法其鄉村並許鹽貨通商逐處有鹹鹵之地一任人戶煎煉興販不得踰越漳

河入不通商地界

舊五代史食貨志

宋 河北濱州場歲給本州若貝洛磁等州則宜通商元豐七年權賣以增其利哲宗

初御史王巖叟奏罷之

宋食貨志

元 至元元年夏四月以彰德洛磁路引漳滏洹水灌田致御河淺澀鹽運不通詔塞

分渠以復水勢

元史本紀

明 嘉靖四十五年李文績上言順德廣平等處地方鹹鹵以致各村居民刮土煎燒私鍋不下四百餘而納官之銀約三百餘兩乞委廉幹官吏逐一清查如果鹹味厚鍋面多比照南北二所事例附入五場編課若鹹味薄而鍋面少則務嚴行禁

之法

長蘆鹽志

清 廣平縣額派官鹽三百引

舊府志參縣志

以上舊法

廣平縣額行二千七百引又分認市引一百二十四引共二千八百二十四引內提繳三百五十三引又減一成引二百四十七引又減停引二百八十四引淨行銷引一千九百四十引應徵課銀一千三百三十兩七錢七分六厘鹽價每觔制

錢二十三文復價二文加價二文現賣二十七文

舊府志

光緒末年各縣創立鹽店歸官派員承辦屢起風潮致興大獄未幾歸商承包每  
觔定價一角惟屢次加捐包商不堪賠累遂由斤兩中取償實在國幣一元僅購  
食鹽八斤上下此項積弊亟宜設法免除

本縣自事變後鹽店無形取銷縣民多取鹹土自煎成鹽自由販賣但味淡苦澀有害  
衛生亟宜恢復官鹽亦裕國便民之首務也

# 廣平縣志卷八

## 十二交通志

交通所關綦爲重要大而政治文化小而經濟民生軍旅往來治安是賴商賈轉運有無相通甚至國家之強弱人民之文野每以交通之暢塞爲轉移本縣鄙處南服民情錮閉舟無河流之濟車無路軌之通向之驛站舖司久經裁汰今則電話公路迭被摧殘是以凡百政務每後於人則開發維護之勞不能不望我官民協力焉記交通

### 驛站

縣驛稍衝額存遞馬六匹馬夫三名

大清會典

裁存夫馬工料銀共七十九兩九錢八分七

厘七毫六絲二忽一微二纖五沙

舊府志

按賦役全書及舊志縣本走遞馬騾四十六匹頭原額工料等銀一千四百七十二兩節經裁減存留奉復雍正年分銀共八十八兩八錢七分五厘二毫九絲一忽二微五纖十一年節省十分之一銀始支領如上數遇閏加增小建扣解在於

本縣地糧銀內存留支給已裁

### 舖司

本縣以前額設舖司兵八名總舖南十五里至小留舖又十里至元城縣岳村舖在城

舖北十里至肥鄉縣謝村舖大清會典按通志東有拳莊舖

舖兵每名歲支銀六兩共銀四十八兩舊志及賦役冊

咸豐八年裁汰六成現存舖兵三名在城當差歲支銀十九兩二錢舊志已裁

### 郵政

清末遞舖之制幾同虛設空有其名所有公私文書多由報房及民立之信櫃轉遞遲緩浮沉不可言狀光緒十八年間始行創辦郵政設總局及管理局於津京兩埠各縣設立分局事務較少縣分設代辦所或郵寄信櫃本縣自民國四年城內始改設三等郵局歷任局長列表如下

姓名	籍貫	任事年	月	備考
陳德成	成安			

張恆	邢台	
孟廣厚	東明	
鄭蔭昌	深縣	
李丕勳	任邱	
劉鳳閣	清苑	民國二十三年任

## 公路

民國二十五年春季省委專員蒞縣監修平大汽車公路由北京直達大名經過縣城東關設票房於天齊廟內又大邢公路係於民國九年間經官商合辦由邯鄲車站通過本縣第二區勝營鎮以達大名一時交通尚稱便利事變均已停車至二十八年四月奉令徵集鄉民發給津貼重新增修現有各路名稱狀況列表如下

公路名稱	起止點	長度	寬度	經過村鎮	交接情形	受讓村莊	備考
廣大公路	自縣城東關起至縣南小留村南止	六·五 公里	八公尺	焦莊田莊	南接大名公路交通便利	東關焦村田莊劉董村魏董村來董村南小留	就平大公路重修路面寬六公尺旁溝各一公尺係官價購買之地

廣成公路

自縣城西關南起至蘭村以西止 八·〇 公里  
八公尺  
東南莊西接成安公路全前  
蘇莊大馬莊楊村南莊東西孟固蘭村  
西關南袁劉莊中立  
新築係占用地且係用磚鋪平面上

廣肥公路

自縣城西關北起至河頭堡村東止 一·五 公里  
八公尺  
新城紀家寨  
西北接肥鄉公路全前  
新城紀家寨西關北  
新築係占用地

邯大公路

自第二區勝營以西起至趙寨村東止 三·五 公里  
八公尺  
王營油坊  
西接成安公路全前  
崔營勝營辛營王營油坊辛莊趙寨劉莊  
舊路新修

說明

電話電報

本縣電話電報當於民國六年令委大名王鎮守使懷慶督設各有專綫惜無專局不甚利用至二十年復行改組一次辦理仍未完善所賴十二年間經任縣長傳藻創設縣立電話局於城內分綫直達各區區鄉公所及各警局消息可遍全縣事變被毀一木無存二十八年四月奉令規復電話當由軍部購備電桿四百株沿各公路設置齊全但限於軍事使用官民不與焉通話區域列表如下

名稱	起點	終點	長里	備考
廣大綫	自縣城通大名	六十里	六十里	敷設公路兩旁

廣成綫	自縣城通成安	四十五里	全
廣肥綫	自縣城通肥鄉	三十里	全
大邯綫	通過第二區	十里	全

### 十三教育志

教育爲立國之本盛衰興廢非止有關一縣已也夏校周庠制度美備賓興棧樸國勢昌明鄭子產不廢鄉學實爲教育普及之母明清以後府縣學校徒有虛名使非箇人自修難入試官繩墨自廢科舉教育稍有動機然數千年禮教彝倫允以古聖先賢爲模範欲致修齊治平之階當以正心明德爲本本志編輯教育仍以廟學列之在前亦數典不敢忘祖之意也記教育

### 廟學

文廟

在縣城東南隅中爲大成殿三楹東西廡各十六楹前戟門泮池又前櫺星門

照壁門外左右二坊明洪武三年知縣高立建永樂間知縣李昉成化間知縣何琮宏治間知縣吾應麒顧璘增建萬歷十七年知縣陳鑿修葺清康熙四十二年



圯於水移置新堡五十年知縣華士捷即舊地重建畿輔志嘉慶二十一年知縣董

廷對同治四年知縣楊汝為各重修舊府志民國十四年縣知事任傳藻重修二十

六年縣長張漢全修葺清順治元年定每歲春秋仲月上丁日致祭雍正二年增

用太牢

明陳鏞記略云 廣平縣儒學隘陋歲久滋敝宏治辛酉金陵顧君華玉來知縣

事首謁文廟登堂周視慨然有創建之志未幾邑政畢舉物情欽然乃鳩工飭林

委訓導智隆以董其事相學之西南隙地建明倫堂傍為庫倉翼以兩齊齊以南

各為號房為茶房正中為儀門為大門屋以間計者凡四十有八即舊堂為饌堂

為廚庫大成殿乃前知縣吾君應麒所建並兩廡兩門則皆因舊而增新之以至

祭祀之器鐘鼓之懸肆射之圃教官之宅煥然一新而廣平之學遂為九邑之冠

矣癸亥夏功以告成寓書請予為之記

崇聖祠 在大成殿後明宏治間知縣顧璘改建舊縣志清嘉慶間知縣董廷對重修府舊志

志

名宦祠 在戟門左明宏治間知縣顧璘建舊縣志清乾隆九年知縣尋紹舞重建舊縣志歲

以春秋仲月上丁祭文廟畢致祭

沈世楓記略云 廣平至康熙末漳水南徙城郭始復而解宇市廛寺觀綽楔之

屬一切蕪沒無存文廟殿廡粗具其周垣橋門及各名宦鄉賢兩祠闕如也邑令

尋君紹舞倡捐俸與學博陳君大章許君瑄尉張君彥世率紳士等共出貲重建

二旬兩祠先後竣予巡歷肅拜敬念先六世祖青州都清副使明陽公諱子萊居

官耿直所至畏懷先以萬歷庚辰進士除是邑瓜期被召楫賢遷秩卒與漢以來

司馬芝輩並祀名宦按司馬芝字子華河內溫人太祖平荊州以芝爲管長後遷

犯法勳與芝書多所屬託芝不報一皆如法遷大理嗟乎棖桷久墟俎豆幾替今

正歷甘陵沛陽平太守所在有續見三國志本傳志規制聿新予既樂尋令急公尤竊喜先副使清白留貽閱幾二百載其耳孫世楓

適轄茲土得藉手以光我祖烈也故識之舊府志

鄉賢祠 在戟門右明宏治間知縣顧璘建舊府志清乾隆間知縣尋紹舞重建舊府志祭

日同名宦祠

明倫堂 在大成殿右堂前左右兩齋齋前儀門又前大門屏壁明宏治間知縣顧璘

建舊府志

按明陳鏞記略顧璘所建明倫堂傍有庫倉齋前有號房有茶房又改舊堂爲饌

堂爲廚庫今俱廢舊志

文廟以及儒學各祠於民國二十五年改前院爲簡易師範學校後院改爲縣立女子高級小學二十八年一月歸駐軍警備隊佔用

尊經閣 在崇聖祠西明知縣顧璘建

敬一亭 在崇聖祠東明知縣顧璘建

射圃亭 在崇聖祠東建同前均舊志

教諭訓道兩宅 俱在明倫堂後明知縣顧璘建舊志清康熙四十二年圯於水今尙未

建舊府志

按廣平學額科歲試各取文章十五名歲試取武童十二名廩膳生二十名增廣生二十名二年一貢學府志自停科舉此法已廢

學田地共五頃三十八畝四分五厘每歲共租銀十八兩歲終給散貧士上同此項地畝遺失大半現正查尋以覓其數

崇正書院 在縣城西關舊有其嚴書院在城北故址久湮後移建今地同治初年知

縣楊汝爲修葺易今名光緒二年知縣李燾增建房舍籌定經費章程詳請立案每月兩課生童膏獎及一切經費共需京錢一千六百千均自行差地中籌撥其

出納支銷向係縣署經管參舊府志清光緒二十九年奉令創辦學堂因藉書院基址

設立高等小學堂一處置董事以總其成後改爲堂長後改校長高等小學堂後改爲初高兩等小學校又改爲完全小學校事變停廢

義學 在義倉西偏舊在縣治東康熙五十四年建久廢光緒初知縣何庚生改建今

地塾師脩脯由縣署發給有碑記舊府志事變停廢

社學 一在西關外明萬歷十七年知縣陳鑿捐立一在小留村萬歷三十四年邑人

鄭金捐立一在孟固集邑人鄭金捐立有地十三畝六分今俱廢舊府志

## 教育機關



女高		縣立		縣立男女高小校							模範小校	師範		簡易	局
全	全	校長	全	全	全	全	全	全	全	校長	全	全	校長	全	
李秀清	裴景新	楊蔭淮	張廷獻	張秀升	鄭國棟	張士駿	王壽昌	李慈航	馬	王恩鴻	張變三	張廷獻	李慈航	楊家麟	
		靜菴	修德				錫齡	濟民			文炳	修德	濟民	維周	
全	全	全	全	全	全	全	全	全	全	全	全	全	全	全	
		文廟事變停			平固店第二高小校				崇正書院改設事變停	武廟事變停			文廟改設事變停	二次任督學	

圖書館	館長	楊蔭佳	靜菴	全		兼任
宣講所	所長	翟配璽			民國十三年三月	宣講員徐殿一白慶森呂恩桐王儒臣
閱報所	主任	王平章				
附註	按本縣原有簡易師範一處公私男女高級小學各二處模範小學一處義務小學十三處初級小學九十六處民衆小學三十八處民國二十六年秋事變停廢至張洞私立男女高小及簡師均教會設立					

### 學校

民國二十八年恢復小學調查表

校址	職員	姓名	生數	回復年日	備	考
縣東街	耿	鍾	二十七人	五月二十二日	縣立	
東關	王	俊	三十二人	五月二十日		
西關	王	澤民	三十六人	五月十六日		
侯固寨	武	得貴	四十六人	六月十六日		
單莊	單	廷選	四十五人	六月十四日		
南寺郎固	節	正明	四十五人	六月十七日		
		彭子玉				
以上三校合併爲新民學校						

南小留	楊繼清	郭子坦	五十五人	六月十六日	
袁劉莊	楊鳴岐	鄭慶和	四十六人	六月十四日	
新城	岳榮貴	李祥生	三十七人	六月十九日	
魏董村	魏清泰	單良玉	四十四人	六月十四日	
大留	宋儒傑	王槐	四十五人	五月二十七日	助手秦玉琨
田莊	王清惠	王世助	三十七人	五月二十七日	
油村	姚汝爲	郝如清	三十一人	七月十五日	
杜村	栗樹藩	趙月華	七十一人	六月十五日	以上十四校第一區
北高曲	鄭玉珂	孫泗清	四十七人	六月二十日	
辛莊營	程雁鳴	李景林	二十一人	六月十九日	
東南溫	鄭玉橋	宋登瑞	三十七人	六月十九日	
南高曲	陳元	王珍珠	三十二人	六月十九日	
劉莊	楊立香	趙芳清	三十六人	六月十九日	
北溫	衛永慶	馬孫慶	三十二人	六月十五日	
蔡莊	宋殿卿	宋台三	三十三人	六月十五日	



馬虎莊	韓憲書	韓允修	三十六人	六月十五日	
勝營	仝前	趙宗淮	三十三人	六月十五日	
雙廟	韓士傑	韓國瑛	三十六人	六月八日	以上十校第二區
史宋固	史光宗	秦作鈞	三十五人	六月十九日	
尙新莊	靳懷暉	尙立禎	四十六人	六月二十二日	
馮營	許慎修	許絨三	三十八人	六月二十二日	
新鎮	李樹常	吳金銘	三十八人	六月二十二日	
西河堡	張思勇		三十人	十月十五日	以上五校第四區
縣女校	王儒臣	姜尙文張義珍	八十人	十一月九日	城內千佛寺
北張固	張清賢		三十人	十一月二十日	第一區

十四自治志

鄉舉里選野無遺賢黨胥州師民有專職周官所載實爲自治之濫觴秦滅周法此道不行者久矣民國成立倡辦自治機關然朝令夕更未收實效雖

有存者亦不過徒具自治之名而已茲一併採入藉資參考記自治

甲 區公所

縣自民國十三年八月成立第二次議參兩會至十七年革命北伐以後遂將兩會取消設立各區區公所以爲初步選舉本縣劃分六自治區各設區公所一處區分若干鄉鄉分若閭鄰以爲辦理保甲之基礎當時區長概由區民公選或以民團團長充任公費由財務局支領十九年六月奉令選送區長前往河北區長訓練所受訓畢業後分發各區任事本縣畢業者五人由成安撥派一人於是年十一月正式成立至二十二年奉令歸併三區至二十四年奉令一併裁撤所有各區案卷各歸各該鄉公所保存區長改爲自治指導委員至二十六年以軍事事煩又復酌設三區代征縣派一切攤款及糧秣旋因事變停辦二十七年五月復歸原狀至十二月又復解散二十八年一月新政復興因特殊情形仍按政令所及暫設三區專辦鄉治及保甲自衛事宜茲將前後自治機關及黨務情形分別列表如下

第一次區長姓名表

區別及名稱	地址	區長姓名	任事年月	備	考
第一區區公所	城內	王恩鴻	民國十七年	區長以下設助理員各三人區丁各五人	
第二區區公所	東韓村	趙春和	全		
第三區區公所	勝營	楊玉善	全	區長月薪十元助理員八元區丁六元	
第四區區公所	東孟固	董士楷	全		
第五區區公所	平固店	王蓋臣	全	辦公費各十五元	
第六區區公所	張洞	張長珍	全		

受訓後改組區長姓名表

第一區區公所	全	前	王恩鴻	十九年十一月	區長月薪十六元助理十二元區丁六元至八元由地方二分區款項下收支
第二區區公所	全	前	徐殿卿	全	
第三區區公所	全	前	楊瑞雲	全	
第四區區公所	全	前	董士楷	全	
第五區區公所	全	前	尹芳林	全	由成安撥派
第六區區公所	全	前	張長修	全	

### 歸併後區長姓名表

第一區區公所	城內	徐殿卿	二十二年	月	公費全前
第二區區公所	楊宋固	董士楷			
第三區區公所	平固店	王平章			

### 第四次改組區長姓名表

第一區區公所	城內	王雨亭	民國二十六年	助理員	單桂庭	餘同前
第二區區公所	勝營	張若拭	全	助理員	李金鐸	全
第三區區公所	西張孟	陳親	全	助理員	王蕪臣	全

### 第五次改組區長姓名表

第一區區公所	城內	王雨亭	二十七年六月	助理	單桂庭	區長月薪十四元 助理十元 二元區丁各五人八元
第二區區公所	楊宋固	秦宜春	全	助理	劉世欽	
第三區區公所	西張孟	瓌長修	全	助理	陳親	

### 事變後區長姓名表

第一區區公所	誠	內	白良懷	二十八年三月	由維持會長改充
第二區區公所	勝	營	楊蔭琛	全	投票公舉
第三區區公所	楊宋固	秦直生	全		該區長因主張修城被匪架至東韓村於四月四日槍斃已緝呈請獎卹

乙 議參會名表

會別	職別	姓名	任事年月	備	考	姓名	任事年月	備	考
	議長	趙棟	十三年八月			徐殿卿	十三年八月		議員
	副議長	張金堂	全			王玉田	十三年八月		
	議員	苑景蘭	全			賈幹卿	全		
	全	孫魯溪	全			郭幹臣	全		
	常委	王桐	十三年八月			鄒聘卿	全		
	全	兼作書	全						

按兩會職員不止此數因一時調查不齊應俟補錄

丙 商會

從來商家會聚之所每縣各有銀市定有日期集合藉以商定一縣行情並擇資本較

多聲望素孚之家爲公議會或輪流值月值年辦理多年尙屬妥善廣平地小民貧商業不振至民國四五年間始有商會之組織公舉會長任擔會務其他按資本大小充任會員或會董民初令於商會附設商事公斷處以處理工商之爭議但不涉及刑律範圍旋即取銷十七年改爲委員制由常委互推主席現於商會法未經頒定以前仍稱會長歷任姓名列表如下

職別	姓名	任事年月	備考	姓名	任事年月	備考
會長	馬慶源			楊瑞麟	民國十二年	
全	耿克剛	十七年	代理			
主席	楊文明	十七年六月至二十四年		李梅村	二十五年	
會長	耿潤玉	二十八年六月				

建設局

民國初年各縣創立農林會十三年改爲勸業所十四年改爲實業局十七年改爲建設局設局長勸業員苗圃及農事試驗場皆屬之後歸縣署建設科歷任姓名列

表如下

機關名稱	職別	姓名	行號	任事年月	備	考
勸業所	所長	秦廷選	良臣			
建設局	局長	馮殿玠	文甫			
全	全	耿克剛	健堂			三次常選
建設科	主任	耿華堂				
全	全	趙蘭夫				

戊 財務局

原名財政所專理地方一切款項收支民國十七年秋改爲財務局後改歸縣署財政科經理縣款主者姓名列表如下

姓名	行號	任事年月	備	考
張士驥	龍媒	民國十七年		
秦宜民	相臣			
楊蔭蔭	靜菴			

此任即撤銷局務歸科辦事

己 縣農會

會長姓名	行號	任事年月	備考
尙立本	根深		二十年改會長爲幹事長
張若拭	雅南		
徐殿高	煥卿		

庚 苗圃

按苗圃在縣東門外迤南大王廟原設主任一人經理其事十六年因紅槍會肇事各機關多被擾害無形取銷苗圃亦因之停頓經楊縣長保東重加整理復改爲農事推廣所現仍稱苗圃與農事試驗場及以前職員分別列表如下

職別	姓名	行號	號	任事年月	備考
主任	韓彰壽	錫齡		十六年	
代理苗圃主任	趙學孔	仰之			
推廣所主任	趙文明	濟甫			由建設局事務員提升



辛 農事試驗場

場長	秦廷選	良臣	場所在文廟前
全	楊文明	濟甫	

縣黨部

(甲) 籌設情形

本縣國民黨黨員張變三、單秀卿、馬守先、王兩亭等於民國十七年五月間携省黨部幹事張清源之命在縣組織縣黨部，遂召集黨員單子芳、呂鳳林、王錫三、李吉泉、邵華國、趙濟甫、貢與人、王駿一、楊東生等開成立大會，計內部分總務組織、宣傳、婦女各部及武裝糾察隊部，設部長一人、幹事二人、助理一人。張變三、馬守先、單秀卿、王兩亭分任部長，其餘分任幹事、助理。各部任務如下：

- 一 總務部管理一切文件、編輯宣傳書報及不屬其他各部事項
- 二 組織部經管組織區黨部區分部並辦理黨員登記各事宜

三 宣傳部專任往赴城廂集鎮宣傳三民主義建國大綱建國方略第一次全國大會代表宣言及黨史等意義

四 婦女部聯合女黨員組織放足會等工作

五 糾察隊管理一切糾察事宜

所用經費在省黨部規定以前暫由縣府自治費項下撥給每月開支約在二百元上下地址在舊 會後院

### (乙) 改組情形

至十八年三月間登記黨員約百餘名各區黨部亦組織就緒後經省黨部派委視察以爲甚形幼稚旋調張變三等四部部長到省受訓一月畢業回縣改充黨務指導員黨部改爲縣黨務指導委員會每月由省欸撥發二百元作爲經費是年九月間各指導員因意見不合紛紛辭職他往省黨部特派黨務訓練生王鴻鑾來縣充任指導以前職員一律停職在舊公安局內另行組織至十九年二月王又辭退省黨部復派馬守先趙藍田秦直生三人繼爲指導委員內部混合辦

事共設幹事四人助理幹事四人經費仍定二百元五月間蔣閩戰征事起黨務因以停頓

(丙)結束情形

至民國二十一年假關帝廟後樓又復組織成立改爲縣黨務辦事處委苗秀石王兩亭爲主任經費照舊至二十四年奉令結束

婦女會

本縣婦女會於民國二十八年十月二十五日正式成立名爲廣平興亞婦女會宗旨以本建設東亞新秩序之精神倡導女子普及衛生思想涵養婦德教育子女促進家庭工業及女子應具之知識道德職員及其任務如下

顧問 數名

會長 一名

副會長 二名

幹事 十名

組長 若干名

會長總括會務之指導責任副會長補助會長申具意見勸理會務幹事遵守所定之  
任務以辦理事務每村十戶設組長一人監視會員動作按月報告於幹事並任  
指導會員等事宜本會會員以十六歲以上之女子組織之並各給以標帶以資  
識別

卷八終



# 廣平縣志卷九

## 十五藝文志

藝文有關一縣文化影響治術尤綦切要所謂鳴盛世而飭民風者胥賴乎是無論時世如何變遷國體如何組織則其真正精神每歷萬古而不泯懿歟尙矣茲與金石碑記分門列入藉以表揚庶聞風興起不讓前人充棟汗牛裨益新政不唯一邑光亦國家幸也記文藝

## 藝文表

史		部		經		種類	著術名稱	卷	數	時代及居址	撰者姓名	備	考
關東風俗傳	宋氏別錄	易學記	典言	字略	五篇	北魏列人	宋世良	北齊書本傳		北魏列人	宋世良	北齊書本傳	
三十卷						元廣平	荀士遜	北齊書文苑傳		北魏列人	宋世良	北齊書本傳	
北齊列人	北魏列人					何榮祖		元史本傳		北齊列人	宋孝王	北齊書本傳	

三世錄 世恩錄 承恩錄 明廣平 馬呈書 舊府志參縣志

王氏宗譜 一巨冊 明廣平 王世揚 現存題辭派別太原延慶澤綿瓜庭廢吾渠詩書事業推鄉里文憲聲名溢帝都後世二支分爾汝先人一視豈親疏無百忍承休德追遠時瞻一本圖

載道集觀物外篇 元廣平 何榮祖 補遺金元藝文志

至元新格 前 人 元史本傳

大德律令 前 人 全

大畜十集 十集 元廣平 何榮祖 元史本傳

清白堂文集 明廣平 郝 斯 舊府志參縣志

臥雲漫稿 全 馬 快 全

慎齋 全 馬 全

鞭轡山人集 全 馬 在田 全

廣平志 清邑令 夏顯煜 全

古今農桑輯要 元 吳 大清一統志

鑑古樓詩集 清 王俞巽 舊府志參縣志

蚤響詩集 全 王時舟 全

集

子部

部

部

漳濱文集	一百六十卷	全	栗元全
集唐詩	四卷	全	前人全
槐蔭雜體集	四卷	全	馬成龍全
內外性命圭旨		全	前人全
響浦秋聲草		全	王煜經
念堂詩話		全	前人
讀餘雜言		全	前人

以上各種著作除王氏宗譜外存廢待考

金石

趙國公大司徒何榮祖墓碑 正書劉賡撰在永年縣城西二十里周村舊志

征西將軍鐵印 萬歷間廣平縣馬家莊居民掘得鐵印一顆文曰征西將軍印獻之

藏庫同上

秘書監程光英碑 北海太守李邕撰黃門侍郎張廷珪八分書按元英字文繹廣平

人官至桂州都督府長史贈秘書監碑以大曆七年五月立集古錄



廣平縣志  
景明寺碑 見方志在廣平縣北張村文爲光武御製

舊志

運使王世鑑先塋碑 塋在廣平縣城東南三里斷碑在焉額曰皇元王氏塋祭酒崔

詠撰銘

同上

千佛寺鐵佛銘 在城內縣治東佛以鐵鑄成高丈餘像極莊嚴背後下左方有銘多

剝蝕惟三年肥鄉廣平等字稍可辨識千佛淩空爲縣景之一以外原有鐵羅漢

十八尊現存四尊二殘二整整者

二十八年九月

移置武廟借以保存

關帝聖蹟圖石刻 在武廟東廊下壁間現仍完好迺前明故物也

聖井分甘石刻 在東關大王廟內係清光緒六年六月合肥相國李鴻章題字

## 碑記

本志對於寺觀祠宇各種碑文多依類附載本條以下茲於編輯之餘又復查得有關事蹟者數通除殘蝕不可讀者特記於此俾免日久同歸湮沒當與考證藝文不無小補云

西關觀音廟碑記 廣邑西關舊建南海觀世音堂廟不知創自何時查廟中碑記自

康熙十五年重修雍正十年又重修乾隆六十年又重修甚矣前人之重神明也夫南海觀士音者天竺國之女子也傳流中國各處人民莫不供奉親如父母尊如君師焉使果無慈航普渡之實功安能俾斯世不啻家喻而戶曉耶前縣令孔明府碑記有云此廟溯傳爲趙氏堂蓋以如嚮

閩邑同

有其舉之莫敢廢也今日久年淹風雨薄蝕西關諸公惻然

因祖

材鳩工不惟廟貌煥然一新有以妥神明其不繼前人之績

明者

功成告竣因刻石以誌不忘云廣平縣正堂加十級紀錄十次于因儒學教諭康企訓導齊學山典史黃鳳堯大清道光二十六年歲次柔兆敦艸仲冬月穀旦邑廩生韓景潮撰文書丹

重修玉皇廟碑記 廣平縣署東舊有玉皇廟一座不知始於何代創自何人殘碑斷碣杳然無存訪諸父老罕有能記憶之者蓋世遠年湮缺有間矣而歲時獻戲至今香火不絕間有祈禱亦無不響應夙知神道甚大安社稷利民人國家之祥亦一邑之庇也邇來風雨剝蝕頗多損壞在城諸會長目觸心傷互相酌議咸

謂靈爽式憑不容輕褻宜更恢廓其制以昭慎重適黔陽何明府蒞任福星照臨  
休徵迭見政簡人和百廢俱舉董事者愈莫不踴躍急公於是急力募化鳩工庀  
材不數月而觀厥成若神助焉殿宇輝煌院落修整西偏又增置堂屋三間西屋  
兩間作優人下處籌劃周密較從前大爲改觀迺董事者復欲勒石以垂久遠屬  
余作文以誌之余識見鄙陋一不敢鋪張神教以惑人心又不敢附會荒唐以貽  
口實夫亦叙此事之緣起與此事之成功云爾雖然余亦進一說焉天下事不患  
始之不勤也而患終之或忘不憂先之難圖也而憂後之莫繼所望任其責者時  
加防閑勤爲修葺毋覩現在而忘締造之難毋至隳廢而忘改作之苦繼萬年廟  
貌常新 茲士庶永荷神貺豈不懿歟謹綴數語俾後之志在急公者亦將有感  
於斯文賜進士出身知廣平縣事前翰林院庶吉士何榮章教諭陳嘉賓訓導甲  
子科舉人劉大安均施銀若干嘉慶戊寅科舉人原任西寧縣教諭王煜文撰文  
邑庠生王堂沐手敬書道光十三年荷月穀旦立

重修孔子廟記 廣平孔子廟傾圮有年矣而未曾或修余於壬戌夏五牧廣秋

丁釋奠瞻仰廟貌衰殘零落傷焉疚心願其時以治匪救民爲急務未遑及此今幸四境安寧會集邑鄉謀重修之舉焉鳩工庀材各司其職未兩月而工竣正殿門廡規制粗備士紳請余一言記之余曰孔子之德同乎天地冠乎古今無需夫廟事爲也顧歷古迄今自天子至郡邑守長通得祀之者何哉蓋孔子之德深入人心追遠報本不可不有以祀之是故自古多有以功德得其位者然不得祠祀惟孔子雖不得位而能得天下各郡邑之常祀且用王者事巍然當座以門人爲配自天子而下北面跪祭進退誠敬禮如親弟子者是非所謂自有生民以來未有如孔子者也其賢過於堯舜遠矣慨自二氏說與人心之趨仰岐異道家者流其初但尙清淨無爲其德乃稱上通天帝自漢初不能革秦時諸峙而涓陽五帝之廟甘泉泰一之壇帝皆親往郊見由是聖王祀天之大典不掌於天子之祠官而方士奪而領之愚夫愚婦爭想趨慕二氏之教而淫祀之神遂遍於天下我萬世師表之孔子之祀禮都邑賢有司尙知尊崇之否則春秋兩祭循例奉行而廟宇之毀壞主象之有無慨置而不問轉不如寺觀神廟尙有住持愚民時加修敬

也嗚呼世道之衰人心之壞可不懼哉昔者天下州縣皆立學祀先聖於學於是  
有祭享奠幣之禮所以著其不忘迨後學廢矣無所從祀則皆廟而祭之苟卿氏  
曰仲尼聖人之不得勢者也然使其得勢則爲堯舜矣不幸無時而沒特以學者  
之故享弟子春秋之禮而後之人不推所謂釋奠者徒見官爲立廟而郡邑莫不  
祭之則以爲夫子之尊由此而盛甚者乃謂生雖不得其位而沒有所享以爲孔  
子榮抑知孔子之盛德固非俎豆千秋不足以報之然馨香孔子所以報其德抑  
亦所以垂教後人苟非然者州縣立學所以教育人才祀孔於學即所以示孔子  
爲模範後世學廢從而廟祀蓋尊聖崇道之意猶有未衰者晚近學風日壞古道  
益衰舉世人民趨重邪說淫祠野廟觸處皆興如吾廣孔廟傾圮年久竟未能重  
修不亦重可慨也哉今幸邑人民戮力從事廟貌一新余又捐置圖書擬就兩廡  
會集諸生講學修道將以期孔道復昌闢二氏邪說又豈僅圖隆祭奠之禮而已  
哉今茲修廟之舉董其事者楊蔭泮郭維翰王壽昌鄭宗儒趙棟張金堂貢元善  
王平章楊瑞麟王桐單維楫韓彭壽白慶森呂九河例并記之中華民國十四年

五月既望七等嘉禾章金質棠蔭章簡任職升用署理廣平縣知事豐城任傳藻  
謹撰光緒壬寅科舉人楊蔭沆薰沐書丹潯縣李興義刻石

建築模範學校記 廣平土瘠民貧文教之衰在昔已然至民國爲尤甚自停科  
改制以還迄今垂四十年邑士之卒業於師範中學者百無一焉大學專門更無  
論矣完全小學肄業者僅百有餘人模範小學經丁卯之亂停辦已及十載女校  
租房數楹尤形湫隘丙子四月河間張公撫疆攝縣事憫其廢弛慨然以振興爲  
己任夙夜經營恨無財力因將已封匪產議作建校之用迭呈拆毀猶苦不足乃  
發啓勸募並捐廉以爲之倡招集鄉耆剴切曉諭民情鼓舞共樂輸將四方好義  
之士亦聞風興起爭先資助共集國幣五千餘元於是鳩工庀材就文廟文昌宮  
舊址增修改建一時之木者石者陶者墜者畚鍤藁裡朽鏤而丹堊者麤聚蟻集  
五越月次第告成而成大成殿崇聖祠明倫堂及兩廡名宦鄉賢二祠亦煥然一新  
爰分殿前爲簡師模範兩校殿後則爲女校今夏張公擢遷安次英儕承乏來守  
是邦視其規制之宏麗結構之精嚴地甚爽塏適合教授生徒之用且密邇聖宮

諸生於茲誦之餘景仰前徽新知日進舊德彌堅其潛移默化必有相滋相長於不自覺者將見人材輩出後起多秀於以強種族擴版圖渝國耻固邦基直意中事耳邑人追念前勳謀立石以垂不朽徵文於余余喜此校之建余得觀厥成也因援筆而爲之記廣平縣縣長河南封邱邊英儕撰記邑舉人楊蔭沆書丹民國二十六年丁丑四月二十四日立石

建築教養院記 夫人必有職然後可以有衣食人必有衣食然後可以免飢寒人既無飢寒之迫而禮義興焉反是則盜賊蓬興閭閻騷擾地方之蠹國家之害孰有過於民無職業哉廣邑自民國以來盜匪充斥擄人越貨旦夕無虛推原其故即由於遊民過多匪易勾結星火燎原卒難收拾嗚呼豈不然歟余視事後爲治本計嚴搜痛剿內匪肅清適奉省長令飭籌辦教養院收留莠民教以工藝清匪之策莫善於是遂集紳會議相定城內東街大寺舊址建築院舍顧以貧瘠之區籌辦鉅大之事豈易言哉分途募捐唇舌幾敝得款不及二千以之建築院舍已覺不支遑論開辦費哉因查西關外有野廟一處計屋兩楹按照清鄉章程

本在拆毀之例遂拆移斯廟補助工程計建工廠十一間工徒宿舍五間辦公室三間二門一座門房二間碾磨房三間炊所二間頭門一座花墻一堵又收買東西兩旁公地民房共十五間興工於夏歷九月不兩月工竣是役也楊君瑞麟郝君樹榮計劃一切畫多奔勞且均枵腹從公不辭勞怨噫賢矣斯院開辦現時已歷三月而工徒習藝欣欣從事將來人各有業利可以期豈僅消滅盜匪而已哉宜記顛末以告來者知廣平縣事豐城任傳藻瑾存甫謹撰并書中華民國十三年夏歷甲子二月穀旦立

### 十六古蹟志

古蹟供人憑弔藉生其景仰矜式之思非徒觀覽游息已也縣自漢唐以迄明末史乘所載有跡可尋迭奉明令保存自宜登之專志庶年湮代遠不致隨荒煙蔓草而俱沒耳記古蹟

### 城址

鷺城 名勝志鷺城之名不見史傳唯金王世鑑碑銘「太原之系奕葉西華轉徙鷺



城始定厥家在縣西五六里遺址尙存大清一統志舊志王世鑑作元時人舊府志

按城西碱叉地方原為池沼土人朝起每見城郭凌空如海市然且常聞鶯聲隱

約因得是名鶯浦秋聲為縣景之一

韓作舟詩 城郭明朝霞鶯聲動遠浦秋來別殘碑留待史官補

### 坊表

大中丞坊三世尙書坊在城東街為王允武王世揚立

中臺秉憲坊在教養院前為王世揚立

亞卿坊少司馬坊為馬顯立

督鹽政坊為馬呈書立

方伯坊為郝珩立

御史坊在武廟前為馬明謨立

進士坊為馬顯快立

狀元及第坊在東孟固為張蜀錦立

祠字

岳武王祠 在東關外祀宋少保岳飛

李公祠 在縣西門北祀元高郵知府李齊

申公祠 在東關外祀明知縣申溪

李公祠 在縣北焦家莊祀明知縣李固本

馬公祠 在學宮西祀清順治間知縣馬剛

顧公祠 在東關祀清順治間知縣顧如華

高公祠 在東關祀清順治間知縣高爽

張公祠 在德化街名春熙書院祀清康熙間知縣張思齊

以上均舊志

寺觀

景明寺 在縣北張村有漢光武御製碑明邑進士禮科給事中馬子聰作記

崇福寺 在縣東北平固店唐時建舊志明宏治間僧悟能重修有伽藍殿天花院諸勝

寺內有塔高十三級號凌霄塔層霄塔爲縣景之一清康熙五年重修嘉慶十

三年山右劉克昌及其姪漢疆一律修整

韓作舟詩 高影寫層雲清光照几席登臨未及時雁陣橫天際

明王昂記略云 廣平之平固鎮有寺曰崇福肇基莫稽何時佛殿前後各三楹  
規度亦頗嚴整獨伽藍殿未備爲缺典焉至宏治丁卯有僧悟能擇前殿左旁創  
建伽藍殿一所迄今垂六十餘年風雨頽折欹斜莫理僧會妙恐其日就於傾圮  
也乃慨然以興廢爲己任於是矢心協謀化於鄉耆之尙義者各施貨貲計足贖  
用即鳩工營材大加修飾更塑肖像越三月而底績懇余爲記僧質淳性慧守法  
持公先是佛殿之增修門宇之創立俱有成績而祖師殿又將爲之就緒云余故  
嘉其勤而爲之記

清鄭長年記略云 縣東平固店邑之巨鎮也東街舊有崇福寺規模宏整金碧  
光輝而其中高聳出雲去天尺五如大夫元老俯視萬像者則凌霄古塔也趙宋  
元豐間有高僧來隱於此託迹禪室法號智英建天花院於其中雖名釋氏實則  
儒行日與正人君子講習其中髣髴鵝湖鹿洞之意奈滄桑以後鞠爲茂草士君

子遊其地能不目覩心傷哉丁卯春山西過客劉公克昌路經其地羨浮圖之高聳歎廟貌之摧殘立願重修捐金三千本鎮秀士郝子國臣欣然糾首庀材蠲吉不二載而落成焉秋九月余展禮於此觀其繡楹畫棟上蔭層雲高閣飛軒平臨大野金姿既妥寶相永安雖無靈山香火共引證鮮而花照枝交亦稱淨域矣維新之功較之古昔蓋增盛焉邑人請余爲文書以與之永貞諸石

千佛寺

在縣治東

幾輔通志

有閻禹錫碑記今圯明代鉄佛尙完好千佛凌空爲縣景之

一民國十三年改爲教養院現改爲縣立女子小學校

高爽詩

突兀樓臺插碧霄佛天無地不峯巒登高四望遙聞侶疑向寒江聽夜

潮

夏顯煜詩

寶閣嶙峋倚雉開塗丹堊漆壯崔嵬祇今大雪連螻後更覺層梯擁

鏡迴萬里雲橫金碧洞百年人到水晶臺公餘登眺昨全放收得西山爽處來

韓作舟詩

鑄身成鐵漢吐氣凌空虛覺遍三千世歸來聽讀書

興國寺

在縣西油房村

縣志

有馬呈書碑記今圯

崇勝寺 在縣東韓村明萬歷間重修有馬明謨碑記

婆留菴 一曰婆留寺在縣東南卜頭村相傳石佛自水流下有齋婆拜而留之遂曰

婆留石佛後為回回擊破明萬歷十七年有老仙至其地見石佛雖毀玉色尚存

請於縣建寺塑像題曰婆留寺

王夫人殿 在縣東縣志今廢不可考按殿中舊有一大鐵鼎文云大元泰定四年歲次

丁卯靈惠齊聖廣佑王夫人殿廣平縣左坊居民程良輔獻舊志現在磁州崔府君

廟中

元王德淵崔府君廟碑云 金有中原以衡山在宋境命府君權行南嶽事至元

十三年歸嶽事於衡山改封崔府君為齊聖廣佑王與五嶽歲時同致祭元貞二

年加封靈惠齊聖廣佑王順祐靈懿夫人此鼎即崔府君夫人寢宮之物去其徽

稱而以為王夫人殿誤畿輔通志

天花院 在縣東平固店崇福寺中宋元豐間建鄉長年碑記

大士居 在縣西南馬家莊明成化時建萬歷二十一年重修舊府志

明王世揚記略云 縣西六里許有大士居焉居之建肇自大明成化中爾時鄉耆劉環者施淨土一區構堂三楹植柏六株於階下迨正德六年始有大士像而祀禮焉歲久棟宇漸就傾圮敗壁空梁頓見蛛絲燕泥神無憑依人人愾歎萬歷二十一年有環曾孫劉潤乃謀及同鄉約正馬近光暨馬族士大夫各捐貲若干鳩工庀材新厥堂厦築厥垣墻西北隅建鐘樓一懸以警晨夜其南葺一草廬飯僧其中令司香火堂之後瓶立文昌祠三楹而春秋蘋藻之廟貌鼎峙金碧輝煌聖像莊嚴壇儀肅整而瞻拜趨踰於宇下者孰不凜然起敬乎惟是鄉之醫官馬吾惇鄉民馬補袞等伐石以記厥事來懇余言遂書其原委俾鑿諸石用垂不朽

觀音堂

一在城內南小街咸豐五年重修一在南門外明崇禎間邑人韓國士施地

創建韓闡然王受人先後續修清同治十年重修一在城西南馬家莊又名觀音

祠明成化時建康熙十五年雍正十年各重修乾隆六十年知縣孔廣什重修道

光二十年復修

舊府志

明董復亭記略云 廣平縣西南八里馬家莊東陲有觀音祠不知創自何時建

自何代祠前老柏千霄蔽日殆百年物也俗傳我明憲宗時有僧姓趙者於此建祠未完而僧坐滅迨武宗龍飛之六載其徒道聰復行勸化始完厥功此說近似而無徵姑存之爾今上御極之廿一年簷宇傾頹金形剝落曩時齋參祈福之地竟爲狐穴逐逐之場居民馬三恕素奉佛戒觸目興嗟乃與勸四方佈施若干重葺棟宇浮碧飛霞男女瞻拜者祈祈如雲煥然一勝境福地矣有信士馬復龐詩禮齋也因憶往纂邑乘凡境內神祠碑記俱採入刻此祠大而且古緣無碑記軼遺不載殊可恨惜乃謀於馬允馬三恕馬三捷勸衆樂助勒碑以紀其事磨成託馬生鞏問記於余余維是祠也繞漳抱隄坐離向坎正殿三楹中塑觀音菩薩仿唐時顯化吳道子所傳真像兩旁前後環塑十八羅漢及川嶽靈應奇蹟外厦三楹以蔽風雨且爲焚拜地左樓一座懸鐘一鈕係萬歷二十三年三月十四日王進朝劉大用等監鑄重一千斤地南北長十七步三尺七寸東西闊二十二步四尺新碑立於祠左螭頭連匾座共高一丈五尺督工者馬復龐馬三恕馬三捷等司鎖鑰供焚滌者僧慶堂也凡佈施男女若干人姓名列於碑陰

一在軍營莊有碑記

玉皇閣 在東閣外東嶽廟後順治中貢生王俞巽施地創建舊志後移建城內千佛寺

西道光十三年光緒十六年先後重修同上

東嶽廟 在東關外明時建一在孟固鎮舊志明崇禎二年重修清康熙四十四年王時

鼎同治六年王莖等先後續修同上

明陳廷謨記略云 癸亥之秋余有事於東都假道廣平路經行孟固鎮駐龍泉

望鷺浦出鎮之東見小溪映日古木籠煙若隱若現之間忽覩一門屏顏其額曰

東嶽神祠余入而瞻拜焉丹已退垣已傾因拂拭理殘碑字乃名豸史馬公明謨

者紀其事係隆慶五年一秀士陳經等慕神赫奕乃施地捐貲爲殿三楹作貌莊

嚴燦然而威迄崇禎二年廟宇少壞像貌弗光經之孫惟禎痛神之不煥踵先人

之芳踪遂勃然興思曰此吾先祖之所建也何至頽敗乃爾於是謀於鄉衆喬國

仕王國治等同心竭力以竟乃事託賈生三傑徵文於余余曰此非孟固鎮之東

嶽神祠乎賈生曰然余昔過其處入瞻其像理其碑今復就余而爲文紀物理圓



缺人事鼎新正可發今昔之異感云遂援筆以書

真武廟

在西關外舊志明萬歷二十九年創修清順治十五年知縣高爽重修同一在

馮家莊明嘉靖間建崇禎六年重修同上

明李樂記略云 吾邑馬家莊東南隅有真武廟乃嘉靖間甲辰進士平遙令東

廬馬公所建嗣後其子若孫如彘史步庭今署長史象東庠生伯昌孝廉仰止爲諸生時嘗讀書字下相繼修葺年久廟貌摧殘有會首馬君習詩等置香火祭田供羽士之資業已記之於石越崇禎八年余內親胡君應科復捐貲庀材造神龕一座金其聖像創建三門規模宏敞煥然聿新美哉可以棲神祈福矣諸善人欲勒諸石以志不朽爲叙其顛末如此

### 陵墓

唐尙書左僕射李勣墓 在縣東下河堡相傳勣東征卒葬於此舊志按唐書李勣傳高

宗永徽元年詔勣爲遼東道行軍大總管率兵二萬討之破其國執高藏男建等以歸獻俘昭陵復具軍容告於廟進位太子太師二年有疾帝躬問之卒詔陪葬

昭陵據此勛以病卒於京師非東征歸卒於路也何由葬此况唐之諸陵皆在長安勛既附葬昭陵墓亦當在今陝西此墓疑非實

元鹽運使王世鑑先塋

在縣東三里有斷碑篆額曰皇元王氏塋

畿輔通志

元崔永銘曰源浚攸遜流委曷際木茂而才絛固其柢太原之系奕葉西華轉徙鷲城始奠厥家猗嗟廣平風土沃衍玉筍森然郡侯總尹顯允禮部碩人考槃父以子貴宗伯春官慶鍾子孫恩浹泉壤作善降祥孰云其爽報施亦豐不類鯨窮獄獄平反刀筆奮庸甫冠筮仕力畢親志移孝爲忠以儒飭吏荐登省幕獨贊鈞衡居中補外騰實蜚聲寵沐勳封銘刻碑勒息嗣蕃盛蘭森玉立東廓之阡峙文瑤鏞咨爾來裔勿替其傳

知高郵府李齊墓

在西關外迤北有祠

同上

今圯殘碑尙存墓仍故

明馬呈書詩

湖上孤城日就淪時逢板蕩見忠臣剛腸有主心原正鐵膝無虧

守獨真誓不俛身趨逆虜終當吐氣寒蒼旻特來弔古尋遺孽慘淡西風一聚塵韓作舟弔李齊墓口號鐵膝寒賊心一官當萬旅元統三大魁不可同日語

明布政使郝琦墓 在縣西南二里轆轤山下

畿輔通志

贈南京兵部侍郎馬禎墓 在縣西南六里大馬莊

舊志有祠

明錢溥銘曰 冀野鉅鹿郡置廣平俗尙氣勢畊牧爲生粵有馬氏兩遭兵燹播

遷之餘不失其善公享寧謐厥生彌厚推餘及衆慶鍾於後篤生令子奮庸在廷

黃門畫省輝光日增誕膺褒敕薦承恩詔生榮死哀賁於瑩兆爰究其源濬發自

公復推所本與父同封榮連三代郡邑罕儷勒碑著銘允告來裔

南京兵部侍馬顯墓

在縣西南六里

舊府志

明劉春銘曰 士以才顯亦惟其時於赫司馬履險而夷遭時崛起直道不疑惟

天子使令聞孔彰嘉乃懋績錫命非常既載厥德考終桑梓納銘幽宮萬世式祀

福建運使馬呈書墓

在縣西南十里

畿輔通志

明杜秉彝銘曰 四爲令尹試諸艱也二守留計貞其廉也鎖鑰雲中壯其藩也

循資升擢嘉其賢也急流勇退砥其湍也詩禮奕奕子孫繁也佳城峩峩厥不刊

也

學正馬人慈墓

在縣西南宋固村

舊府志  
參舊志

明馬快銘曰 母以子賢更以節顯生事死哀所生匪忝析產崇讓厚德有終於族則睦事兄則恭三庠敷教士風振起彝範有聲英才濟濟有淑其嗣爾後克昌將登桂籍世德延長茲公之所以不朽也耶

贈兵部尚書王臣墓

在縣東北三十里李排營

同按王氏家譜排作白

慶府長史贈兵部尚書王允武墓

在縣東北李排營

同上

明余繼登銘曰 廉於財或短於才公才恢恢以剗以裁如郤斯開廉於身或以矜人公則恂恂若芒若菴飲人以醇世競於貪貪以趨炎而公獨廉以廉見嚴故終仕而淹淹公之位不能淹公之世是生哲嗣爲時廉吏以繼公志撫公遺迹銘之貞石納於幽宅俾子孫承籍世其清白

周府長史鄭金墓

在縣東三里北張固

同上

明王槩祖銘曰

公之生平有麥舟風卓卓犖犖蟄蟄繩繩口碑載道千載佳城

貞節馬進妻馮氏墓

在縣西南十里御史馬明謨之祖母曲周少保王一鶚表其墓

同

貞節林晏昌妻萬氏墓

在焦莊堡

同上

李固本贊曰 帝命孔彰綽楔煌煌生嘉其行死厚其喪賢哉節婦千載流芳是

宜表而揚之以昭貞婦從夫之藏

節孝李萬邦妻劉氏墓

在縣城西關北三里

楊蔭泮銘曰 卓哉孝婦至行克敦孝親撫孤善貽子孫賢尹重德用以上言烏

頭綽楔耀于里門采石名山樹厥邱壻千秋共仰百世同尊

### 附義塚

義塚五 一在東關外一處地四分之一在西關外二處地三畝二分一在焦家莊二處

地五畝三分

舊府志

廣平縣志勘誤表(三)

卷數	志名	子目	頁數	面數	行數	數字	誤數	勘誤
卷七	建置	置地池	一頁後面	四	十七		基	正墓
全	全	全	二頁後面	九	第五之字下		脫	爲字
全	全	全	三頁後面	七	十一		甚	其
全	全	全	四頁後面	十一	七		則	財
全	全	全	五頁前面	十一	二十六室下		脫	各字
全	全	全	五頁後面	七	二三		圮今	今圮
全	全	倉儲	七頁前面	一	二十五		令	念
全	丁賦	屯社	十頁後面	十二	關下		脫	廂字
卷八	教育	廟學	三頁後面	六	三十一		林	材
全	全	全	全	七	二十八		齊齊	齋齋
全	自治	區公所表	八頁後面	八	第三格		珍	修
全	全	縣黨部	十二頁前面	七	八		空白脫	商字

